

PRIJEDLOG

Na osnovu člana 14. stav 4. Zakona o eksproprijaciji („Službene novine Federacije BiH“, br. 70/07 i 36/10) i člana 32. Statuta Općine Velika Kladuša („Službeni glasnik Općine Velika Kladuša“, br. 12/11), Općinsko vijeće Općine Velika Kladuša, na _____ sjednici održanoj dana _____ donijelo je

ODLUKU

o dopuni Odluke o utvrđivanju javnog interesa broj: 01-05-342/18 od 19.11.2018.godine

1. U Odluci o utvrđivanju javnog interesa, broj: 01-05-342/18 od 19.11.2018. godine, u svrhu izgradnje elektroenergetskog objekta - dionica dalekovoda i transformatorske stanice „Vrnogračka Slapnica 2“, u naselju Vrnogračka Slapnica, koju je donijelo Općinsko vijeće Općine Velika Kladuša, na XX redovnoj sjednici, održanoj dana 19.11.2018. godine, objavljena u „Službenom glasniku Općine Velika Kladuša“, br. 8/18), u članu 1 stav 1. dodaje se alineja:

- „**k.č. br. 1377/3** „Previla“, prilazni put, pov. 653 m², upisano u PL 387 k.o. Vrnograč kao suposjed Pehlić (Bećir) Šefkija sa dijelom 1/2, Pehlić (Ramo) Mustafa sa dijelom 1/6, Pehlić (Ramo) Suljo sa dijelom 1/6, Pehlić (Ramo) Šerif sa dijelom 1/6, što po starom premjeru odgovara k.č. br. 866/11 „Čajva i previla“ oranica, površine 18400. m², upisano u z.k ul. 523 k.o. SP_Vrnograč, kao suvlasništvo Pehlić (Ramo) Mustafa sa dijelom 1/6, Pehlić (Ramo) Šerif sa dijelom 1/6, Pehlić (Bećir) Šefkija sa dijelom 1/2, Pehlić (Ramo) Suljo sa dijelom 1/6“.

2. Ostale odredbe Odluke iz tačke 1. ostaju nepromijenjene.

O b r a z l o ž e n j e

Općinskom vijeću Općine Velika Kladuša, putem nadležne službe dana 22.10.2021. godine, obratilo se Javno preduzeće „Elektroprivreda Bosne i Hercegovine“ d.d. Sarajevo, Podružnica „Elektrodistribucija“ Bihac, zastupano po ovlaštenom zastupniku Enizu Nukiću, sa prijedlogom za dopunu Odluke o utvrđivanju javnog interesa u kojem navodi da je Općinsko vijeće Općine Velika Kladuša, dana 19.11.2018. godine, donijelo Odluku o utvrđivanju javnog interesa za izgradnju elektroenergetskog objekta - dionica dalekovoda i transformatorske stanice „Vrnogračka Slapnica 2“, u naselju Vrnogračka Slapnica, općina Velika Kladuša i da se u tu svrhu može pristupiti nepotpunoj eksproprijaciji nekretnina - ustanovljenjem služnosti, postavljanja i održavanja objekta za prenos i razvođenje električne energije na nekretninama.

Uz prijedlog korisnik eksproprijacije je dostavio Urbanističku saglasnost broj: 03/1-23/1-2001/16 od 26.10.2016. godine, kopiju posjedovnih listova i zemljišnoknjižnih izvadaka za predmetne parcele i elaborat katastarske obrade trase.

U aktu predlagača je istaknuto da je u navedenoj Odluci Općinskog vijeća, broj: 01-05-342/18 od 19.11.2018. godine o utvrđivanju javnog interesa, izostavljena katastarska čestica označena kao k.č. br. **1377/3** „Previla“, prilazni put, pov. 653 m², upisano u PL 387 k.o. Vrnograč, što po starom premjeru odgovara k.č. br. 866/11 „Čajva i previla“, oranica, površine 18400. m², upisana u z.k ul. 523 k.o. SP_Vrnograč, kao suvlasništvo Pehlić (Ramo) Mustafa sa dijelom 1/6, Pehlić (Ramo) Šerif sa dijelom 1/6, Pehlić (Bećir) Šefkija sa dijelom 1/2, Pehlić (Ramo)

Suljo sa dijelom 1/6, a koja je parcela, prema priloženoj dokumentaciji, također trebala biti predmet postupka za utvrđivanje javnog interesa.

Uvidom u spise predmeta utvrđeno je da planirana trasa obuhvata i parcelu označenu kao k.č. 1377/3 k.o. Vrnograč, koja je naznačena u urbanističkoj saglasnosti i elaboratu katastrarske obrade trase, ali je greškom u pomenutoj Odluci izostavljena.

Oredbama člana 14. stav 4. Zakona o eksproprijaciji („Službene novine Federacije BiH“, broj: 70/07 i 36/10) regulisano je da odluku o utvrđivanju javnog interesa za izgradnju objekata ili izvođenje radova na području općine, donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Stoga Općinski načelnik predlaže Općinskom vijeću donošenje Odluke o dopuni Odluke o utvrđivanju javnog interesa broj: 01-05-342/18 od 19.11.2018. godine, kako bi se nastavio postupak nepotpune eksproprijacije – ustanovljenje prava služnosti za izgradnju elektroenergetskog objekta – dionica dalekovoda i transformatorske stanice „Vrnogračka Slapnica 2“, u naselju Vrnogračka Slapnica.

Na temelju svega navedenog odlučeno je kao u dispozitivu odluke, a primjenom odredbe člana 14. Zakona o eksproprijaciji („Službene novine Federacije BiH“, broj: 70/07 i 36/10).

POUKA O PRAVNOM LIJEKU: Protiv ove odluke, shodno članu 222. stav 5. Zakona o upravnom postupku („Službene novine Federacije BiH“, broj 2/98 i 48/99) ne može se izjaviti žalba, ali se može pokrenuti upravni spor podnošenjem tužbe Kantonalnom sudu u Bihaću, u roku od 30 dana od dana njenog dostavljanja.

OBRADIVAČ
Služba za prostorno uređenje,
imovinskopravne i geodetske poslove

PREDLAGAČ
Općinski načelnik